

四庫全書

子部

欽定四庫全書

類說目錄

卷五十五

玉壺清話

上問呂漆安否

星名周伯

李建中詩

謝靈運托生為邊鎬

選純孝三士談經

范果進詩

西齋潤筆

五子登科

房相蒼頭

城隍督修夷陵縣宇

楊大年作詩預宴懷玉山人

同甲同休戚

保守門閤

泗水發願文

王禹偁詩表

李韓書詞

逞藝傷生

御屏書楊徽之十聯

茂直免死

鄧都觀主

君臣隆替有限

賜錢償逋

冰壺先生

治烏髭牢齒歌

治殺生獄

咎太尉知人

太祖討蜀

花項漢為天子

水銀知制誥

射覆

四夷來王賦

元厚之詩

雜說

曾魯公帖

陳希夷戒種放

党進掉書袋

父為所由

唐酒價

奏按中名次公者

落第紫微揀停殿院

卽父陳母

夢六印懸劍鋒

太宗問蟬字

胡旦取珍噐貸金

養民寡欲

西河急奏

太祖誅諧者

高陽關奏

陶穀鸞膠曲

冷齋夜話

改易古詩

二禽名

橫陳

奪胎換骨法

李格非論文

秀關西語

象外句

滿城風雨近重陽

十四字師號

竹詩

崑體

持碁謎

沒浩蕩

張天覺草書

東坡詩

太祖遠略

丁晉公詩

崔徽頭子詞

荆公女詩

荀名雅子

北征詩

長公主挽詞

李杜韓歐四家詩集

漁網石上詩

墨梅

吳城龍女

牡丹偈

白樂天詩

東坡詞

華亭船子和尚偈

老杜詩

李元膺詞

石曼卿墜馬

道人肝臟饅頭

坡谷秦三宮詩

大酒清話

惠花酒詩

竊詩

陳亞及第

平似稱明似鏡

孫山得解

講易

嘲任轂詩

教坊進口號

羊雪二詩

皮歸相嘲



臘月養蚕

陳亞詩

賀四廟太保啓

觀君風采必不甚高

送客詩

假蝗蟲

宣水

亂寫試卷

孔門上哲

對屬

末厥

二書生賦詩

漁樵閒話

老忠化虎

玉樹曲

隱娘教習擊刺之法

衡山老虎

類說目錄

欽定四庫全書

類說卷五十五

宋 曾慥 編

玉壺清話

上問呂溱安否

熙寧初呂溱尹京上殿府推官周約隨後上忽問曰卿體中安否對曰無事須臾又問卿果無恙曰臣不敢強時呂公容采無少虧將退又問約曰卿見呂溱如何對曰以臣觀溱似亦無事呂出殿門深疑整巾

拂面索鏡自照問周曰公果見漆如何曰龍圖無自  
疑容采安靜後數日果感疾不起以此知聖明非凡  
見可及也

星名周伯

景德二年有巨星見于天氏之西光芒如金丸無有  
識者春官正周克明言按天文錄荊州占其星名周  
伯語曰其色金黃其光煌煌所見之國太平而昌又  
按元命苞義曰德星時澶淵凱旋六合平定宜此星

之見

李建中詩

李建中能書草隸為詩清淡如其人有杭州望湖樓  
詩云小艇閒撐處湖天景亦微春波無限綠白鳥自  
由飛落日孤汀遠輕烟古寺稀時携一壺酒到戀晚  
涼歸西湖詩云漲烟春氣重貯月夜痕深每喜誦楞  
嚴經四句云將聞持佛戒何不自聞聞復翳根除塵  
消覺圓淨凡起居皆咏之

謝靈運託生為邊鎬

江南邊鎬初生其父忽夢謝靈運持刺來謁自稱前  
永嘉守修髯秀采骨清神竦所披衣巾輕若烟霧曰  
欲託君為父子頃寄浙西飛來峯翻譯金剛經有未  
合佛旨處願生君家刊正慎勿以葷羶啖我七歲放  
我出家為僧以畢前經夢訖鎬生貌類夢中者父愛  
之小字康樂成童聰敏堅求出家其父不允以葷迫  
之及冠強為娶後嗣主愛其博雅累用之而柔懦寡

斷惟好釋氏初從軍平建州惟務全活人號邊羅漢  
及充湘潭號邊菩薩及帥潭政出多門絕無威斷楚  
人失望人號邊和尚

選純孝三士談經

真宗喜談經一日命馮元談易曰朕欲選純孝之士  
三人便裘頂帽橫經並坐暇則薦茗果盡談論削去  
進說之儀元薦查道李虛已李行簡三人真宗立召  
俾陪侍喜曰朕得人矣



范杲進詩

太宗收并州凱旋范杲為縣令進詩有千里版圖來  
浙右一聲金鼓下河東之句

西齋潤筆

李翰於和凝榜及第後與座主同任學士凝作相翰  
為承旨適當批詔次日於玉堂輒開和相舊閣悉取  
圖畫器玩留詩云座主登庸歸鳳閣門生批詔主龍  
頭玉堂舊閣多珍玩可作西齋潤筆不

五子登科

竇禹鈞生五子儀侃儼儼皆相繼登科馮瀛王贈  
禹鈞詩云靈椿一樹老丹桂五枝芳

房相蒼頭

石熙載少時於嵩陽道中遇一叟曰真太平宰相也  
吾幼為唐相房元齡檢書蒼頭公酷似房公仍囑曰  
善事真主語訖即滅後為太宗掌書記踐祚七年拜  
平章事

城隍督修夷陵縣宇

寶元初宋正基知峽州一夕夢一吏云城隍神遣某督修夷陵縣宇不宜後時連三夕夢之明日報歐陽永叔謫夷陵令宋感其夢待之特異歐公益事謙謹每稟白必斂板於庭俟宋入門先降階接之

楊大年作詩預宴

楊大年二十一為光祿丞三月後苑曲宴公不得預以詩贈館職曰聞戴宮花滿鬢紅上林絲管侍重瞳

蓬萊咫尺無因到始信仙凡迥不同上聞即日直集  
賢院令預晚宴

懷玉山人

楊大年祖文逸仕後唐玉山令有道士來謁稱懷玉  
山人斯須不見大年遂生後年三十七為學士晝寢  
玉堂夢道士稱懷玉山人袖出一牒寫三十七字大  
年驚曰得非數乎道士微咲又曰可添乎道士命筆  
止添一紀為四十九至其數果卒

同甲同休戚

李濬與李宗諤同宗同甲後一日而生平日休戚一

同宗諤死濬後一日

保守門閥

真宗謂李宗諤曰國朝將相之家世緒不墜相惟昉  
將惟曹彬爾聞卿家尤更雍穆有法朕惟二聖基業  
亦如卿家保守門閥

泗水發願文

李宗諤奏汴渠流尸蔽河而下暴露灘渚上惻然御  
製泗水發願文勅勒石於淮亭歲給錢百緡修齋醮  
各七日官給錢收瘞御製略云嗟乎灘磧之上競食  
者烏鳶島渚之間爭餐者魚鰲汝等孽非他造殃盡  
自貽仕官者怙勢以凌民為民者欺心而冒法仗茲  
浣滌各遂起騰悟諸佛本空之原體太上真虛之理  
王禹偁詩表

王禹偁嘗作二黜賦以見志後知制誥忤時相出知

黃州蕪易簡榜下放孫何等進士三百餘人奏曰禹  
偁禁林宿儒累為遷客臣欲令榜下諸生送于郊奏  
可之禹偁作詩謝曰綴行相送我何榮老鶴飛軒愧  
谷鶯三入承明不知舉看人門下放諸生時交親循  
時好惡不敢迎近獨竇元賓執手泣於閣門曰天乎  
得非命耶公後以詩謝曰惟有南京竇員外為予垂  
淚閣門前至郡未幾二虎闖於境一死郡鷄夜鳴冬  
雷而電司天奏守土者當其咎即命徙蘄謝表曰宣

室鬼神之問不望生還茂陵封禪之文止期身後閱  
月而卒太宗嘗戒曰卿聰明文章不下韓柳但剛不  
容物人多沮卿使朕難庇

李韓書詞

李穀與韓熙載早同筆硯分携約曰各以才命選其  
主穀顯德中仕周為平章事熙載仕江南李先主為  
光政殿學士熙載貽穀書曰江南果相我長駟以定  
中原穀答曰中原苟相我下江南如探囊中物耳後



果作相親征江南而熙載已卒

逞藝傷生

仁宗讀五代史至周太祖臨水引弓射兩鳧一發疊貫從臣稱賀上掩卷曰逞藝傷生非朕所喜也內臣鄭昭信掌內應十五年常戒曰動活之物不得擅烹深惡於殺也

御屏書楊徽之十聯

楊徽之太宗聞其詩名盡索所著選集中十聯書於

御屏

茂直免死

張茂直少買瓜於圃翁倚鋤睨曰子不久當斷頸下  
刃之際稍速則死稍緩則生果獲免必享富貴無何  
慕容彥超據充例駢守埤周師破敵擁城者例斬至  
茂直挾刃者曰汝髮甚修鬢惜為頸血所污可先斷  
之茂直徐理髮得免後為知制誥

鄴都觀主

王顯少為太宗給侍赤脚道者相曰此兒須為將相  
但無陰德耳及長太宗曰爾非儒家全寡學問他日  
富貴不免面牆取軍戒三篇令誦之咸平中出師定  
州便宜從事忽道士通謁自稱鄴都觀主笑則口角  
至耳亂髮若剛鬚謂曰昨日上帝牒番魂二萬至本  
觀死於公手公果殺之則功冠於世然減算十二年  
二端請裁之顯謂風狂叱起後數日契丹引數萬騎  
獵於威勝軍境顯引兵襲擊大破之斬二萬級露布

至闕召為樞相數稔而卒

君臣隆替有限

劉昌言太宗時為起居郎善裨闔以迎主意未幾以諫議知密院君臣之會隆替有限一旦上眷忽解曰劉某奏對皆操南音朕理會一字不得

賜錢償逋

李文靖公沆初知制誥太宗知其窮多負人息錢曰沆為一制誥俸入幾何豈暇償逋耶特賜錢百萬令

償之後為相當太平無一事凡封章建議更張悉屏之謂所親曰無以報國用安黎庶耳

冰壺先生

太宗命蘓易簡講文中子有楊素遺子食經羹藜含糗之說上因問食品何物最珍對曰物無定味適口者珍臣止知熬汁為美臣憶一夕寒甚擁爐痛飲夜半吻燥中庭月明殘雪中覆一盤盎連咀數根臣此時自謂上界仙厨鸞脯鸞胎殆恐不及屢欲作冰壺

先生傳記其事因循未暇也上笑而然之

治烏髭牢齒歌

張師貞年五十齒已疎搖後十餘年巨齧大截利若  
刀截嘗得藥方叙曰元亨在天聖中登岳頂至明星  
館故基下得斷碑彷彿有古文乃治口齒烏髭藥歌  
一首曰猪牙阜角及生薑西國升麻蜀地黃木律旱  
蓮槐角子細辛荷蒂剪荷葉  
心子也要相當青鹽等分同燒  
煨研細將來使最良揩齒牢牙髭髮黑誰知世上有

仙方

治殺生獄

邵倅闕蔚宗鏤板印觀音像主元懌待制撰文云都  
官鞏彥輔夢兩緋衣召入大府有紫衣當案者此王  
也廡下以沙盆剔囚目研之餘斷腕截耳不可類述有  
頃一官至訶鞏解衣鞏自陳有官無罪官怒曰此治  
殺生獄豈問官耶鞏窘呼觀音名號囚者皆和而殘  
者完繫者釋鞏乃蘇

咎太尉知人

咎居潤太尉不識字每案牘以左手持巨筆畫一長  
畫雖狡吏善詐摹之必敗沈倫在幕府常曰沈推官  
行步端重如履廟堂必為宰相力薦於太祖後果作  
相沈以咎不知書其子孫皆召於家庭建學教如已  
子以報其知人之德也

太祖討蜀

太祖採聽明遠有自蜀來者問曰劍外有何事對曰



但聞城郭皆誦苦熱詩曰煩暑鬱蒸無處避涼風清  
冷幾時來上曰蜀民思吾之來也時已下荆楚孟昶  
有唇亡齒寒之懼而西討無名昶遣蠟丸間道徃西  
涼結劉鈞為援為朝廷所獲太祖曰興師有名矣命  
王全斌討之執昶赴闕大將王仁贍先歸乞見恐其  
惡暴露歷數全斌等貪財瀆貨太祖笑曰納李廷  
珪妓擅開豐德庫取金寶此又誰耶仁贍惶怖上曰  
此行清介畏慎者止曹彬一人耳臺臣請深治征蜀

諸將士盡釋之

花項漢為天子

魏人柴翁有女在唐莊宗掖庭明宗入洛遣出宮父  
母迎之奩具計直千萬分半與父母令歸曰兒見郵  
舍隊長黥色花項雀形者極貴人也願事之父母不  
能奪問之乃郭威也一日謂郭曰君貴不可言妾有  
貲五百萬願奉君以發其身周祖因其貲得為軍司  
柴翁知冥間事一日忽大笑妻問之但笑不止因飲

以酒極醉乃曰花項漢將為天子

水銀知制誥

夏侯嘉正太宗時為正言直館喜丹竈嘗曰使我得  
水銀銀半兩知制誥一日平生足矣二願俱不遂而  
卒

射覆

丁文果善射覆太宗置一物罌中文果曰藹藹華華  
山中採花雖無官職一日兩衙啓之乃蜂也又取一

物令射文果曰有頭有足不石即玉欲要縮頭不能  
入腹乃壓書石龜也

四夷來王賦

錢熙泉人進四夷來王賦太宗擢為館職有司請試  
上曰試官前進士趙某親自選中

元厚之詩

元厚之丈詞老而不衰懷荆南舊遊云去年曾醉海  
棠叢聞說新枝發舊紅昨夜夢回花下飲不知身在

玉堂中

雜說

曾魯公帖

曾魯公年垂八十筆力尚壯曾子宣謫守番陽手簡  
云扶搖方遠六月不息消長以道七日自當來復

陳希夷戒种放

陳搏隱華山幼時戲渭水一青衣媼抱至懷中乳之  
曰令汝更無嗜欲聰悟過人先生嘗戒門人种放曰

子他日遭逢明主名動天闕名者古今美器造物者  
深忌之天地間無完名子名將有物敗之放晚節侈  
飾過度營產滿雍鎬間遂喪清節

### 党進掉書袋

党進不識一字朝廷遣防秋於高陽辭日須欲致詞  
閤門曰太尉邊臣不須如此進性強狠堅欲致之搢  
笏前跪多時不能道一字忽仰面瞻上表厲聲曰臣  
聞上古其風朴畧願官家好將息仗衛掩口後左右

問曰太尉何故念此兩句進曰我常見措大愛掉書袋我亦掉兩句要得官家知我讀書

父為所由

凌策侍郎其父曾為鎮所由策方成童父携拜安鴻漸乞立一名鴻漸滑稽輕薄因命名曰教之蓋言所由生也策後長立頗銜之

唐酒價

真宗嘗問近臣唐酒價幾何無能對者丁晉公曰每

升三十上曰何以知之曰杜甫詩云速來相就飲一  
斗慙有三百青銅錢是知一升三十也

奏案中名次公者

梁適隨判院廬南金上殿奏案中有名次公者仁宗  
問曰因何名次公南金以明法不能對適曰漢黃霸  
字次公上曰卿是何人曰詳議官梁適又問那個梁  
家曰祖顥父固俱中甲科上曰恠卿面貌酷似梁固  
他日適奏曰臣父祖頃事太宗真宗不知陛下何以



知之上曰天童閣有名臣頭子朕觀之甚熟適後除  
記注知制誥至翰林學士除目皆出御批不十年至  
台輔筆談載次公事乃龐莊敏

落第紫微揀停殿院

張去華甲科直館越職上言知制誥張澹盧多遜殿  
院帥頑詞學荒淺願校優劣太祖立召澹輩臨軒重  
試委陶穀考較上選多遜入格餘並黜之時諺謂澹  
為落第紫微頑為揀停殿院去華除右補闕士論短

之後十六年不遷反不逮平進者談苑亦載

邵父陳母

邵煜知廣州鑿內河以泊舟楫不為颶風所害陳世卿代之奏乞免本州計口買鹽之害五羊之民始有衣食廣人歌曰邵父陳母除我二苦

夢六印懸劍鋒

張乖崖鎮益屢乞代王文正奏除凌策少嘗夢人以六印懸劍鋒以授之後在劍外凡六任

太宗問蟬字

凌策辟楊蟬為益倅奏名上太宗不識蟬

音尋

字詔問

立名之因奏曰先臣命之不知其由兄蚡弟蛻盡旁  
虫今已孤不敢輒更上曰蟬有何義曰臣聞出羽陵  
蠹書曰白魚虫也上曰古人名字以日月山川隱疾  
尚恐稱呼有碍今以細碎微類例名其子何謂也御  
筆特去虫止賜名覃

胡旦取珎器貸金

胡旦大監出知明州同年董儼給事知揚州延留甚  
歡入後館出妓侍宴悉皆尚方珍器旦曰人生會合  
難得來日能枉駕敝舟數盃可乎又曰珍器家貧未  
識可畧假借夸示妻孥董以具奩盡貯送舟中明日  
五更不告而行至餘杭薛映大諫亦榜下生也首問  
過維揚見董同年否旦曰望之材器英邁奇男子也  
然止是性貪一日旦謂映曰貸二千緡創鑑湖別墅  
鄞麾纔罷便當謝病扁舟釣於越溪薛不得已贈白

金三百星後知制誥王繼恩平蜀以銀數千兩賂旦  
託為褒詔事敗旦貶潯州便殿賜玦

養民寡欲

王昭素學行高世鰥居絕欲四十年顏如渥丹太宗

召至

闕

坐講乾卦至九五飛龍在天整巾

稽首改容而說曰此文正陛下今日留禁中月餘上  
詢治世養身之術昭素曰治世莫若養民養身莫非  
寡欲上書其語于御屏

西河急奏

慶厯中王師失律于西河數大將陷沒急奏至已旬  
日大臣固緩之上因御化成殿老卒擁篲嘆曰可惜  
劉太尉上恠問之對曰官家豈不知劉太尉與五六  
大將一時殺了即解衣帶書進呈曰臣之營州西虎  
翼一營盡析臣壻亦沒此書家人急報也上急召執  
政視之大臣始奏得報未審候旦夕得其詳方奏乞  
寬聖慮上厲聲曰事至如此猶言乞寬聖慮卿忍人

也宰相因乞骸骨

太祖誅諧者

開寶中或奏太祖曰晉王天日姿表恐物情附之為  
京尹肆意不戢吏縱法以結豪俊陛下當圖之上怒  
曰朕與晉弟雍睦起國和孝相保他日欲令管勾天  
下公事小人敢離我手足亟令誅之

高陽關奏

太宗嗣位高陽關奏妖氣夜起橫亘北陸邊情頗搖

上召向敏中議之向奏曰崔翰領節高陽恃功恣橫  
陛下宜召還誅之以壓妖氣上曰是何言歟翰以其  
能拔於行伍遂建節旄料渠不肯孤朕也上遣一詞  
臣宣撫慰勞而已妖祲自消邊心亦寧

陶穀驚膠曲

國初朝廷遣陶穀使江南以假書為名寔使覘之丞  
相李穀以書抵韓熙載云五柳公驕甚其善待之穀  
至果如李所言熙載曰陶秀實非端介者其守可隳



因令留宿候寫六朝書畢館留半年熙載遣歌兒秦  
弱蘭詐為驛卒之女散衣竹釵擁篲洒掃穀見之而  
喜遂犯慎獨之戒作小閨贈之後數日李主宴于清  
心堂命玻璃巨鍾滿酌之穀毅然不顧出蘭于席歌  
前闋以侑之穀大慚倒載吐茵尚未許罷大為李主  
所薄詞名風光好云好姻緣惡姻緣只得郵亭一夜  
眠別神仙琵琶撥盡相思調知音少待得鸞膠續鳳  
絃是何年逮歸京師鸞膠之曲已喧因是卒不大用

冷齋夜話

改易古詩

溫公曰魏野詩云燒葉爐中無宿火讀書窓下有殘  
燈俗人易葉為藥魯直曰老杜詩云黃獨無苗山雪  
盛黃獨者茅魁小者耳俗人易為黃精如淵明詩悠  
然見南山俗人易曰望南山

二禽名

退之詩云喚起窓全曙催歸日未西魯直云二禽名

也催歸子規也喚起聲如絡絲圓轉清亮偏于春曉  
鳴江南謂之喚春

橫陳

王荊公曰千林無葉比華身黃菊分香委路塵歲晚  
蒼官纔自保日高青女尚橫陳又曰木落岡巒因自  
獻水歸洲渚得橫陳山谷曰自獻橫陳事見相如賦  
楞嚴經亦曰於橫陳時味如嚼蠟

奪胎換骨法

黃魯直云詩意無窮人才有限以有限之才追無窮之意雖少陵淵明不得工也然不易其意而造其語謂之換骨法規模其意形容之謂之奪胎法如鄭谷十月菊曰自緣今日人心別未必秋香一夜衰此意甚佳病在氣不長曾子固曰詩當使人一覽語盡而意有餘荆公菊詩云千花百卉凋零後始見閒人把一枝東坡則曰萬事到頭都是夢休休明日黃花蝶也愁又如李白詩曰鳥飛不盡暮天碧又曰青天盡

處沒孤鴻然其病如前所論山谷詩云不知眼界濶  
多少白鳥去盡青天回凡此之類皆換骨法也顧況  
詩云一別二十年人堪幾回別荆公云一日君家把  
酒盃六年波浪與塵埃不知烏石江邊路到老相尋  
得幾回樂天詩云臨風杪秋樹對酒長年身醉貌如  
霜葉雖紅不是春東坡云兒童悞喜朱顏在一笑那  
知是酒紅凡此之類皆奪胎法也

李格非論文

李格非曰諸葛孔明出師表李令伯陳情表劉伯倫  
酒德頌陶淵明歸去來引皆沛然如肝肺中流出殊  
不見斧鑿痕是知文章以氣為主老杜詩過人在誠  
實耳如玉川子詩曰昨夜村飲歸健倒三四五摩挲  
青莓苔莫喚驚著汝荆公用其意作扇詩云玉斧修  
成寶月團月邊仍有女乘鸞青冥風露非人世鬢亂  
釵橫特地寒

秀關西語

法雲秀關西謂黃魯直曰公作艷歌小詞可罷之魯  
直曰空中語耳非殺非偷寧至坐此墮惡道耶師曰  
君以邪言蕩人淫心使逾禮越禁其罪非止墮惡道  
而已魯直自此不作詞曲李伯時善畫馬師曰伯時  
為大夫而以畫行已可恥又作馬伯時恚曰無乃蕩  
人心墮惡道乎師曰公業此日久思其情狀求其神  
駿繫念不忘一日眼光落地必入馬胎無疑伯時愕  
然曰何以洗其過師勸畫觀世音

象外句

唐僧多佳句比物以意而不指言一物謂之象外句  
如無可詩云聽雨寒更盡閉門落葉深是落葉比雨  
聲又曰微陽下喬木遠燒入秋山是以微陽比遠燒  
也妙在言其用不言其名耳

滿城風雨近重陽

潘大臨工詩貧甚謝元逸以書問有新作否答曰秋  
來景物件件都是佳句恨為俗氛蔽翳昨日得句云



滿城風雨近重陽，忽催租人至，遂敗意止此一句奉  
寄聞者笑其迂濶

十四字師號

道潜有句云：隔林彷彿聞機杼，知有人家在翠微東。  
坡曰：此吾師十四字師號。

竹詩

西湖僧清順怡然，常作竹詩曰：城中寸土如寸金，幽  
軒種竹只十個。春風慎勿長兒孫，穿我堦前綠苔破。

又有林下詩云久從林下遊識破林下趣從渠綠蔭  
繁不碍清風度閒來石上眠落葉不知數一鳥忽飛  
來啼破幽寂處

崑體

詩到李義山謂之文章一厄以其用事僻澁時號崑  
體荆公晚年亦或喜之如雲詩云借問火城將策探  
何如雲屋聽窓知

持基謎

荆公在鍾山因奕棋作數語曰彼亦不敢先此亦不敢先是以無所爭故能入於不死不生公笑曰此持  
慕隱語也

沒浩蕩

老杜詩曰白鷗沒浩蕩今誤作波荆公曰道人北山  
來問松我東岡舉手指屋脊云今時許長今誤作問  
松裁東岡與波浩蕩當併按也

張天覺草書

張丞相好草書而不工一日得詩索筆疾書滿紙使其姪錄之當奇險處姪罔然而止執所書問曰此何字丞相熟視詎曰胡不早來問致吾忘也

### 東坡詩

東坡作海棠詩曰只恐夜深花睡去高燒銀燭照紅粧事見楊妃外傳曰妃子卯酒未醒明皇笑曰是豈妃子醉直海棠睡未足耳作尼童詩曰應將白練作春衣事見則天詔應天下尼用白練為衣作橄欖詩曰

已輸崖蜜十分甜事見鬼谷子曰照夜清螢也百花  
醴蜜也崖蜜櫻桃也

太祖遠略

神宗皇帝一日行後苑見牧豎純者問何所用對曰  
自祖宗以來畜之不知果安用上沉思久之詔付有  
司禁中自今不得復畜數月衛士忽獲妖人悉欲血  
澆之禁中卒不能致神宗方悟太祖遠畧亦及此

丁晉公詩

丁晉公海外詩云草解忘憂憂底事花名含笑咲何  
人世以為工東坡云花非識面常含笑鳥不知名祇  
自呼便覺才力相去遠矣

崔徽頭子詞

秦少游有詞云落紅萬點愁如海覺範賦崔徽頭子  
用少游韻曰半身屏外睡覺唇紅退春思亂芳心碎  
空餘簪髻玉不見流蘓帶試與問今人秀韻誰宜對  
湘浦曾同會手寒輕羅蓋疑是夢今猶在十分春易

盡一點情難改多少事都隨恨遠連雲海

荆公女詩

荆公女吳安持之妻工詩嘗寄荆公曰西風不入小  
窓紗秋氣應怜我憶家極目江山千里恨依然和淚  
看黃花和曰青燈一點映窓紗好讀楞嚴莫念家能  
了諸緣如幻事世間唯有妙蓮花

筍名稚子

老杜詩曰竹根稚子無人見唐人食筍詩云稚子脫

錦綳駢頭玉香滑則稚子為筍明矣贊寧雜記竹根  
有鼠大如猫其色類竹名竹豚一名稚子

北征詩

老杜北征詩曰不聞夏商衰中自誅褒姒意著明皇  
鑒夏商之衰敗能悔過賜妃子死也劉禹錫馬嵬詩  
曰官軍誅佞卒天子矜妖姬郡吏仗門屏貴人牽帝  
衣白樂天長恨歌曰六軍不發無奈何宛轉蛾眉馬  
前死乃是官軍迫使妃子歌咏祿山叛逆耳其去老



杜何啻九牛毛耶

長公主挽詞

神宗作秦國大長公主挽詞曰海闊三山路香輪定  
不歸帳深空翡翠珮冷失珠璣明月留歌扇殘霞散  
舞衣都門送車返宿草自春非又曰曉發城西道靈  
車望更遙春風寒魯館明月斷秦簫塵入羅衣暗香  
隨玉篆消芳魂飛北渚那復可為招又曰塵自天淵  
發恩從國愛深歌鍾雖在館桃李不成春水折空還

沁樓高亦隔秦區區會稽市無復獻珠人

李杜韓歐四家詩集

王荊公以李太白杜子美韓退之歐陽公詩編為四家集以歐公居太白之上公曰太白詞語迅快然十句九句言婦人酒耳

漁網石上詩

嘉祐河濱漁網得一石上刻詩曰雨滴空堦曉無心換夕香井桐花落盡一半在銀床銀床井欄也不知誰作

墨梅

衡州華光長老以墨為梅花黃魯直觀之曰如嫩寒  
春曉行孤山水邊籬落間但欠香耳

吳城龍女

黃魯直發荊州亭柱間有詞曰簾捲曲欄獨倚雲展  
暮天無際淚眼不曾晴家在吳頭楚尾數點雪花亂  
委撲漣沙鷗驚起詩句欲成時沒入蒼烟叢裡魯直  
悽然曰似為予發也不知何人所作筆勢類女子又

有淚眼不曾晴之句疑其鬼也是夕有女子見夢於  
魯直曰我家豫章吳城山附客舟至此墮水死不得  
登江亭有感而作不意公能識之魯直驚寤曰此必  
吳城小龍女輩也

### 牡丹偈

太祖將問罪江南李後主欲拒王師法眼禪師觀大  
內牡丹作偈諷之曰擁毳對芳叢由來趣不同髮從  
今日白花是去年紅艷曳隨朝露馨香逐曉風何須

待零落然後始知空後主不省師乃渡江

白樂天詩

白樂天每作詩令一老嫗解之問曰解否嫗曰解則錄之不解則又易之故唐末之詩近于鄙俚

東坡詞

東坡與少游飲別作虞美人曰波聲汨枕長淮曉隙月窺人小無情汴水自東流只載一船離別向西州竹陰花島曾同醉酒未多於淚誰教風鑒在塵埃醞

造一場煩腦世傳此詞賀方回作非也乃東坡作

華亭舡子和尚偈

華亭舡子和尚有偈曰千尺絲綸直下垂一波纔動  
萬波隨夜靜水寒魚不食滿舡空載月明歸黃魯直  
歌成長短句曰一波纔動萬波隨簑笠一釣絲金鱗  
正在深處千尺也須垂吞又吐信還疑上釣遲水寒  
江靜滿目青山載月明歸

老杜詩

老杜詩曰天子呼來不上舡舡方言也乃襟紐是已  
家家養烏鬼川陝路民多供事烏蠻鬼俗人不解便  
作養畜字沈存中遂認差烏鬼為鷓鴣夜闌更秉燭  
照恐尚是夢作去聲讀則失其意

李元膺詩

李元膺喪妻作長短句去年相逢深院宇海棠下曾  
歌金縷歌罷花如雨翠羅衫上點點紅無數今歲重  
尋攜手處空物是人非春暮回首青門路亂紅飛絮

相逐東風去元膺尋亦卒

石曼卿馬

石曼卿喜戲譁嘗出馭者失鞍馬驚曼卿墮地從吏遽扶掖升鞍曼卿徐曰賴我石學士也若瓦學士豈不破碎乎

道人肝臟饅頭

覺璉禪師能詩歐公曰此道人作肝臟饅頭也或問其故答曰是中無一點菜氣仁宗留住淨因禪院作



倡曰堯仁況是如天濶乞與孤寒自在飛乃其詩也  
坡谷秦三公詩

秦少游責雷州詩曰南土四時都熱愁人日夜長安  
此身如石不轉一時忘了家鄉黃魯直責宜州曰老  
色日上面懽情日去心今既不如昔後當不如今輕  
紗一幅巾短簾六尺床無客日自靜有風終夕涼少  
游鍾情故詩閒暇至東坡則云平生萬事足所欠惟  
一死英特邁往之氣可畏而仰企

大酒清話

惠花酒詩

張齊賢丞相荅西京留守惠花酒詩曰有花無酒頭  
慵舉有酒無花眼倦開好是西園無事日洛陽花酒  
一齊來

竊詩

魏周輔有詩上陳亞犯古人一聯亞不為禮周輔復  
上一絕曰無所用心惟飽食爭如窓下作新詞文章

大抵多相犯剛被人言愛竊詩亞次韻曰昔賢自是  
堪加罪非敢言君愛竊詩時耐古人多意智預先偷  
子一聯詩

陳亞及第

陳亞幼孤育於舅家舅為醫工人呼作衙推亞登第  
皆賀其舅有詩云張公吃酒李公醉自古人言信有  
之陳亞今年新及第滿城人賀李衙推

平似秤明似鏡

雙漸為孟州僉判同僚或稱其縣長官平似秤明似鏡漸曰却被押司走上廳打破鏡踏折秤

孫山得解

孫山末綴得解有同試者託山探得失山曰解名盡處是孫山君名更在孫山外山後以恩榜成名作詩云盤古榜中同進士伏羲手裡探花郎又云幸賴聖恩收拾了這回含笑入黃泉

講易

咸平邑大夫召黃州先生講易至睽卦至上九見豕  
負塗載鬼一車曰陰下有載上之義鬼即積陰也孫  
山曰載鬼一車乃閻羅大王般家小也一日說噬嗑  
卦至雷電合而章先生曰先一個電後一聲雷所以  
相合山曰某且歸先生問何為山曰惡天色也一日  
講論語季氏旅泰山為五岳之尊山曰泰山既為五  
岳之尊竈王會是一家之主

嘲任穀詩

任穀遜名伊洛山水望蒲輪而不至潛至京師訪問  
知友有朝士嘲曰雲林應訝鶴書遲日入京來探事  
宜從此見山須合眼被山相賺已多時

教坊進口號

唐昭宗時事勢為朱全忠所持一日開宴教坊伶人  
觀榜曰賴是五百年間生一個若是一年生一個教  
朝廷怎生奈何

羊雪二詩

書生王勉吟羊詩云頭上兩條皂角額下一撮髭鬚  
不知是何方聖者髯鬚裡行撒數珠又作雪詩云上  
天燒下豆稽灰烏李須教做白梅道士變成銀鬘策  
師姑化作玉茶槌

皮歸相嘲

皮日休謁歸仁紹託故不出日休假其姓為詩嘲曰  
硬骨頑形知幾秋臭骸知是不風流及至死後鑽令  
遍祇為當初不出頭仁紹復嘲曰幾片尖裁砌作毬

火中煉了水中揉一包閒氣知常在惹踢招拳卒未  
休

臘月養蠶

河北一主簿見邑宰曰有一大利便事百姓五月收  
麥養蠶一併勞苦欲令臘月中養蠶宰曰是則是矣  
但恐臘月無桑簿曰伏惟安置

陳亞詩

有僧歲旱市中求雨陳亞作藥名詩贈云無雨若還



經半夏和師變作葫蘆巴壽州有娼魁肥亞問是何  
處人曰本是淝上人亞笑曰我喚作是淝下人亞自  
為名贊云有口如啞無心作惡中心本無一物外面  
多許稜角有僕黃興外厨煮料置猪蹄其中小婢如  
僧竊食之興訟于公公曰正合占詩云如僧清早厨  
邊過偷却黃興料裏蹄

賀四廂太保啓

李源作四廂太保賀啓云伏惟太保纔離五都之中

便轉四廂之職紫袍宰地牙笏當胸手執金骨之朶  
身坐銀交之椅舊時攏馬只是一箇如今喝道約勾  
十人據此威風下梢須為太尉亦宜念舊第一莫打  
長行

觀君丰采必不甚高

有貴人性強嘗與屬吏對碁曰觀君丰采必不甚高  
請坐西廊便使墨子下手高聲唱喏殺著不得作聲  
送客詩

高敖曹送客詩云相送復相送相送至橋頭培堆兩  
眼淚拍塞一懷愁

假蝗蟲

賈黃中為相盧多遜作叅一日附畿有蟲蝻盧曰甘  
間所有乃假蝗蟲賈曰亦聞不傷稼但蘆多損耳

宣水

石叅政在中書堂一相曰取宣水來石曰何也曰官  
徽院水甘冷石公曰若司農寺水當呼為農水也

亂寫試卷

孔登非儒者治平中來京師應舉恥曳白乃亂寫試  
卷上云三日雷聲五日電光十日雨下太山不厭微  
塵大海不論杓子杳時人好取奉我也好隨順屋上  
好喂馬屎尿兩邊流幡竿頭上好開典庫答曰高燥  
莫下來不得却待咨聞又寫伊州一本後云此去及  
第十萬八千里又曰我道者事做也買取一兩草鞋  
長行試院出榜召捕登竄歸

孔門上哲

楊球上陳亞大卿啓云伏惟某官詩禮名家孔門上  
哲公戲答詩曰蒙君遺長牋語意如何說請看身上  
衣裋中本無蝟又嗤人面黑詩曰笑似烏梅裂啼如  
豉汁流眉間粘帖子已上是幞頭

對屬

有郡丞席上作對屬云時熱不須湯盞湯一妓對曰  
廳涼無用扇車扇

末厥

歐公歸田錄云共簷帽子卑凡斲短鞦靴免末厥兵  
公云不知末厥何謂也嘗見老儒云共簷帽子蹠蹠  
撮淺面麻鞋列缺茶說故兩存之

二書生賦詩

河朔書生與洛陽書生同飲賦詩河朔生曰昔年曾  
向洛陽東年年只是看花紅今年不見花枝面花在  
舊時紅處紅河朔生曰昔年曾向北京北年年只是

看蘿蔔今年不見蘿蔔面蘿在舊時蔔處蔔

漁樵閒話

李忠化虎

劍州君子李忠久病其子市藥歸父哀願而涎出其狀如虎子走而出閉其室旋聞哮吼之聲穴壁視之乃真虎也

玉樹曲

唐末有宜春人王穀者以詩擅名嘗作玉樹曲其詞

云君臣猶在醉鄉中一面已無陳日月嘗于市廛遭  
無賴輩歐擊穀大呼曰爾輩莫無禮吾便是吟玉樹  
曲者無賴輩慚謝而退

隱娘教習擊刺之法

唐魏大將聶鋒有女子方十歲名隱娘忽為乞丐尼  
竊去父母不知所向日夜悲泣後五年尼送隱娘還  
曰教已成矣父母詢其所學云尼携至一巖洞中與  
藥一粒服令持一劍教習擊刺之法一年後刺猿猱



如飛刺虎豹如無物三年能飛以刺鷹鷂四年挈我  
於都市中再指其人必數其過惡曰為我取其首來  
某應聲而首已至矣即以藥消之為水後五年忽曰  
大僚某人罪惡貫盈欺君罔民為我取其首來隱娘  
承命而往伏於大僚所居梁上移刻方持其首至尼  
大怒曰何大晚如是隱娘曰為見其人戲弄一兒可  
愛未欲下手尼叱之曰已後遇此輩先斷其所愛然  
後決之汝術已成可還遂還家

衡山老虎

長慶中有處士馬拯在衡山精舍見老僧古貌龐眉  
借拯僕持錢往山下市鹽酪初亦不知老僧所向山  
人馬紹繼至云路逢一虎食一僕食訖即脫班衣而  
衣禪衲熟視乃老僧也有頃歸僧口吻尚有餘血二  
人駭愕共為之計給僧云寺井有怪物僧往窺井二  
人併力推入井中以巨石壓之急下山已日暮見數  
十人或僧道或男女皆大怒曰二賊殺我禪師今來

追捕二人詰獵者曰彼衆何人也獵者曰此佞鬼也  
昔為虎食之人既已鬼矣遂為虎之役二人乃厲聲  
叱鬼曰汝輩真下鬼也生既為虎之食死又為虎之  
役今幸其斃又從而號哭耶一鬼答曰某等為虎食  
啖固當刻心以報寃然終不知所謂禪師者乃虎也

類說卷五十五

欽定四庫全書

子部  
類說卷五十六

詳校官中書<sub>臣</sub>張姚成

員外郎<sub>臣</sub>牛稔文覆勘

總校官檢討<sub>臣</sub>何思鈞

校對官學正<sub>臣</sub>湯垣

謄錄監生<sub>臣</sub>談樹熾

欽定四庫全書

類說目錄

卷五十六

古今詩話

杜詩愈疾

春日得春衣

詩瓢

鄭鷗鵠

可與桃源

探驪獲珠

應鏡湖春色

瑞錦窩

淮西碑帽子

捉語意合處

樂天之宮

詩中虎

迷樓

三花馬

舉人試燒燭

麴塵絲

鹽曲

飲硯水

調脂弄粉

塚疊死人

秋聲詩

釣叟圖

長年三老

水鳥

打春詩

爾汝歌

第三廳

鍾山公

賈至詠薛瑤英詩

何遜能詩

太白入月

杜詩

張文昌馬詩

詩動靜

院落深沉杏花雨

范希文詩

聞喜宴賜詩

蝴蝶詩

李氏宮中詩

邱濬詩

調元地養病坊

魏野詩

三入翰林

江南曲

江山留人

湘靈鼓瑟詩

閩士詩賦

詩人用也字

使契丹詩

夜宴詩

四夷妙賦三酌酸丈

渥注馬賦

伐兩京道中槐

有客謂張三影

草詞



太宗詩

增三班奉職俸

歐公詩話

昌陵挽詞

有祿肥妻子

賣花擔上看桃李

神御殿朝拜

梅聖俞詩

鄭都官不愛之徒

杜集

九僧集

郊島詩

周朴詩

梅聖俞論詩

渴睡漢狀元及第

贈漁父詩

滕王蛺蝶圖

詩句語病

謝伯初詩

芙蓉城主

聽風聽水

趙師民詩

論韓退之詩

溫公詩話

朝堂厚朴湯

惠崇詩

律聽軍聲詩

鮑孤鴈

魏野詩

蹴鞠詩

陳文惠詩

章憲太后挽詞

石曼卿對

劉棨詩

韓魏公詩

宦者王紳宮詞

賞花釣魚

藥名詩

蓑衣七夕二詩

堠子詩

邇英講藝詩

鄭工部詩

戲殺

劉貢父詩話

嚴杜二詩

王元之謝表

不啻溜鈍漢

潘閬詩

四十餘年老健兒

吾宗天下著

黃覺贈梅昌言詩

遇呂洞賓

諸館職擢擡至此

次韻依韻用韻

唐詩量力名家

瑞葉

西山詩

福州詩僧

老欲依僧急則抱佛

楊諤詩

花蕊夫人詩

野鷹何有征徭

赤松贈張良詩

五方語音

藥名詩

承霧狼對凝霜兔

下官之稱

字偏旁令

互郎

佚老亭

末厥兵

何樓

孟東野詩

西都詩

名似姓詩

說黃巢事

殺祭社猪

有酒如澠在北曰狄

香印

黃耳寄書

類說目錄

欽定四庫全書

類說卷五十六

宋 曾慥 編

古今詩話

杜詩愈疾

有病瘧者杜子美曰誦吾詩可治乃令誦夜闌更秉  
燭相對如夢寐瘧如初又令誦子章髑髏血模糊疾  
果頓愈

可與桃源

憲宗稱戎昱詩曰此人若在可與武陵桃源稱其吟  
咏

春日得春衣

柳公權從駕上云我有一喜事邊衣久不及時今年  
二月悉已給散可作詩賀公權曰去歲雖無戰今年  
未得歸皇恩何以報春日得春衣

探驪獲珠

元稹劉禹錫韋楚客同會樂天舍各賦金陵懷古劉



詩先成白曰四人探驪子先獲珠所餘鱗角何用三  
公乃遂罷作

詩瓢

唐求喜吟咏撚稿為丸貯以大瓢於江中曰苟不沉  
沒得之者方知吾苦心耳流至新渠有識者曰此唐  
山人詩瓢取得之其詩遂傳題隱居云數點石泉雨  
一溪霜葉風葉在青山處道成無事中

應鏡湖春色

元稹廡察浙東喜官妓劉採春稹嘗有詩云因循歸  
未得不是戀鱸魚人註之曰戀鏡湖春色耳謂劉採  
春也

鄭鷓鴣

鄭都官有鷓鴣詩時稱鄭鷓鴣

瑞錦窠

禮部郎中掌省中文翰謂之瑞錦窠

淮西碑帽子

柳子厚謂韓退之淮西碑猶有帽子僕若為之便說  
用兵伐叛事又云左食右粥何如我乎淮西雅云仰  
父俯子

捉語意合處

唐詩僧善論詩尤善捉語意合處張水部一日得句  
云常因送人處憶得別家時自謂古人未道僧曰亦  
有道者見他桃李樹思憶故園春是也

樂天之宮

有客商過海值風抵一闕云是樂天之宮白聞遂賦  
詩云近有人從海上回海山深處見樓臺中有仙龕  
藏一室皆言此待樂天來又云吾學空門不學仙恐  
君此語是虛傳海山不是吾歸處歸則須歸兜率天  
詩中虎

羅鄴牡丹詩云落盡春紅始見花幄籠輕日護香霞  
買栽池館恐無地看到子孫能幾家人皆謂之詩中  
虎宋之問天后朝求為北門學士不許乃作明河篇

以見意云明河可望不可親願得乘槎一問津更將  
織女支機石還訪臨邛賣卜人天后曰吾非不知其  
才調但以其有口過耳之間有齒疾口臭故也本事  
詩已載

### 迷樓

隋煬帝時浙人項昇進新宮圖帝愛之令揚州依圖  
營建既成幸之曰使真仙遊此亦當自迷乃名迷樓  
三花馬

韓幹畫閱馬圖并御馬皆有三花馬三花者剪鬃為三瓣也樂天詩云舞衣裁四葉馬鬣剪三花

舉人試燒燭三條

唐制舉人試日既暮許燒燭三條韋永貽試日先畢作詩云三條燭盡鐘初動九轉丹成鼎未開日月漸低人擾擾不知誰是謫仙來

麴塵絲

楊巨源詩云江邊楊柳麴塵絲

鹽曲

交趾有黃帝鹽曲按唐譜有突厥鹽阿鵲鹽等施肩  
吾詩云顛狂楚客歌成雪媚懶吳娘笑是鹽

飲硯水

禮部試不給茶湯但飲硯水皆黔其口吻

調脂弄粉搽疊死人

徐仲鴉李九臯俱善詩徐詩富艷李多用事李謂徐  
曰公詩如美女善調脂弄粉徐曰公乃鬻官髑者但

塚壘死人耳

秋聲詩

徐鍇作秋聲詩井梧分墮砌塞鴈遠橫空雨滴苔莓

老風吹薜荔紅

釣叟圖

世傳江南釣叟圖上有漁父詞二首有璽縷一鉤輕之句

長年三老



川峽呼梢工篙手為長年三老老杜詩云長年三老  
歌聲裡白晝攤錢高浪中

水鳥

鷓鴣本水鳥也其膏塗刃劍不生秀古詩云馬啣苜  
蓿葉劍瑩鷓鴣膏

打脊詩

盧延讓哭邊將詩曰自是碣砂發非干碣石傷牒多  
身上職怨大背邊瘡人謂是打脊詩

爾汝歌

孫皓歸晉封歸命侯武帝問曰聞南人好作爾汝歌  
頗能否皓舉觴歌曰昔與汝為隣今與汝為臣上汝  
一盃酒令汝壽萬春

第三廳

社翁今日沒心情為乏治顰酒一瓶惱亂玉堂將欲  
遍依稀循到第三廳

鍾山公

後唐李建勛出帥臨川歸拜司空累表乞致仕自稱  
鍾山公詔授司徒不起學士湯悅致狀賀之建勛答  
詩曰司空猶未許那敢作司徒幸有山公號如何不  
見呼先是宋齊丘退歸九華未暮一徵而起時論少  
之或以建勛比宋者因作詩曰桃花流水須相信不  
學劉郎去又來

賈至咏薛瑤英詩

元載納薛瑤英為姬處以金絲帳却塵褥衣以龍綃

衣賈至詩云舞怯銖衣重笑疑桃臉開方知漢成帝  
虛築避風臺

何遜能詩

何遜八歲能詩沈約曰每讀卿詩一日三復不已故  
義山詩曰寄言何遜休聯句瘦盡東陽姓沈人

太白入月

李太白三擬詞選不如意悉焚之惟留恨別賦及祿  
山反至胡無人云太白入月敵可摧及祿山死太白

八月

杜詩

楊大年不喜杜詩謂之村夫子嘗有鄉人以杜詩強大年曰公試為我續杜句乃舉江漢思歸客大年將屬對鄉人徐曰乾坤一腐儒大年默然歐公亦不甚愛杜詩而謂韓退之絕倫退之於唐世文章未嘗屈下獨稱李杜不已歐公不悅子美所不可曉則又愛賞李白將由太白騰趯飛動易為感動歟

張文昌馬詩

張文昌樂府詞清麗深婉五言亦平淡可愛至七言詩則贊多文少謝馬詩云乍離華廐移蹄澁初到貧家舉眼驚此馬一遲鈍不能行而多驚者

詩動靜

有詩云風定花猶落之句王荊公以對鳥鳴山更幽上句靜中有動下句動中有靜

院落深沉杏花雨

王荊公云梨花一枝春帶雨桃花亂落如紅雨珠簾暮  
卷西山雨皆警句也然終不若院落深沉杏花雨為優  
言盡而意不盡也

范希文詩

范希文贈釣者詩云江上往來人盡愛鱸魚美看君  
一葉舟出沒風濤裡又觀渡詩一棹輕如葉旁觀亦  
損神他時在平地無忽險中人

聞喜宴賜詩

太宗好文每進士及第賜聞喜宴御製詩為故事仁宗詩尤多有云寒儒逢景運報國合如何

蝴蝶詩

謝學士蝴蝶詩云狂隨柳絮有時見舞入梨花無處尋

李氏宮中詩

歐公云詩源乎心貧富愁樂皆係其情江南李氏宮中詩曰簾日已高三丈透金爐次第添香獸紅錦地



衣隨步皺佳人舞徹金釵溜酒惡時拈花蕊嗅別殿  
微聞簫鼓奏與措大詩試挑野菜和根煮旋斫青柴  
帶葉燒異矣

丘濬詩

丘濬至山陽太守召飲濬詩曰醜却天下婦人面正  
得世間君子心

調元地養病坊

王隨入相而病甚尤好釋氏或嘲曰誰謂調元地番

成養病坊但見僧盈室寧知火燎房

魏野詩

魏野隱華山真宗屢召不起留題壁間遜去云洗硯  
魚吞墨烹茶鶴避烟使還以詩對上曰野不來矣

三入翰林

劉子儀三入翰林詩曰蟠桃三竊成何味上盡鰲頭  
勢轉孤

江南曲

寇萊公少年時偶作江南曲云江南春盡離腸斷蘋  
滿汀洲人未歸又曰日暮江南一望時愁情不斷如  
春水意皆悽愴末年果南遷

江山留人

蘓子美久失意登蘓之閭門題云時光冉冉都如夢  
風物蕭蕭又變秋家在鳳凰城闕下江山安用苦相  
留又書其旁曰江山留人耶人留江山耶

湘靈鼓瑟詩

錢起寓宿驛舍窗外有人咏曰曲中人不見江上數  
峯青及殿試湘靈鼓瑟詩落句意久不屬遂以此一  
聯續之因中魁選

閩士詩賦

真宗朝試天德清明賦有閩士破題云天道如何仰  
之彌高會考試亦閩人遂中選又荆南進士吟雪詩  
始用先字落句云十二峯前旋旋天

詩人用也字

詩人用也字本皆音夜杜云青袍也自公元稹云也  
向慈恩寺裡遊今人讀如字非也

使契丹詩

刁約使契丹詩云押宴移離畢看房賀跋支餞行三  
足製密賜十貔狸皆紀實也移離畢官名如中國執  
政官賀跋支如執房閤足製小木罌以色綾木為之  
如黃漆貔狸皆如鼠而大遠以為珍膳

夜宴詩

施肩吾夜宴詩曲欄如畫買不眠玉爐夜起沉香烟  
青娥一行十二仙紅顏欲笑桃花然碧窓弄嬌梳洗  
晚戶外不知銀漢轉被郎嗔罰琉璃盞酒入四肢紅  
玉軟

四夷妙賦三酌酸丈

錢熙太宗時進四夷來王賦擢館職嘗撰三酌酸文  
畧曰渭川凝碧早拋釣月之流商嶺排青不逐眠雲  
之客又年年落第春風徒泣於遷鶯處處霸遊夜雨

空愁於斷鴈及卒李慶孫哭之曰四夷妙賦無人誦  
三酌酸文舉世傳

渥洼馬賦

喬彛試渥洼馬賦四蹄曳練奮瀚海之驚波一噴生  
風下胡山之碎葉

伐兩京道中槐

貞元中度支欲取兩京道中槐樹為薪更栽小桃渭  
南尉張造牒曰召伯所憇尚勿剪除先帝舊遊豈宜

斬伐乃止

有客謂張三影

有客謂張子野曰人皆謂公為張三中即心中事眼中  
淚意中人也公曰何不目我為張三影雲破月來  
花弄影嬌柔懶起簾櫳壓花影柳徑無人墜風絮無  
影此予平生得意句也

草詞

林逋咏草詞云金谷年年亂生春色誰主餘花落處



滿地和烟雨又是離歌一闋長亭暮王孫去萋萋無數南北東西路

太宗詩

陝府唐昭宗有詞云安得有英雄迎歸大內中逍遙橋有太宗詩云昔乘匹馬去今駟萬乘來氣象不侔矣

增三班奉職俸

舊制三班奉職月俸七百肉半斤祥符中有人題壁

云三班奉職實堪悲卑賤孤寒即可知七百料錢何  
日富半斤羊肉幾時肥朝廷遂增俸

歐公詩話

昌陵挽詞

李丈正進昌陵挽詞云奠玉幾回朝上帝御樓三度  
納降王

有祿肥妻子

仁宗時有達官詩云有祿肥妻子無恩及吏民戲曰

通衢遇一輜輶車載極重羸牛甚苦豈非足下妻子  
乎

賣花擔上看桃李

京師士大夫牽於事役罕有宴遊至有賣花擔上看  
桃李沽酒樓頭聽管絃之句

神御殿朝拜

西京神御殿去城十里朝拜嘗苦晨興留守進官酒  
三行不交一言而退其詩云正夢寐中行十里不交

言處飲三盃

梅聖俞詩

梅聖俞詩有咏河豚春洲生荻芽春岸飛楊花河豚  
於此時貴不數魚鰕破題已道盡河豚好處蘇子瞻  
得西南夷所賣蠻布弓衣其文織成聖俞春雪詩其  
名重夷狄如此

鄭都官不愛之徒

吳僧贊寧國初為僧錄安鴻漸嘲曰鄭都官不愛之

徒時時作倅贊寧曰秦始皇未坑之輩往往成羣鄭  
谷詩云愛僧不愛紫衣僧

杜集

陳從易詩類白樂天蓋自楊劉唱和西崑行後進爭  
效之風雅之變謂之崑體陳公偶得杜集舊本文多  
脫誤至身輕一鳥下脫一字各與數客各用一字補  
之或云疾或云落或云起或云下後得一本乃身輕  
一鳥過陳公嘆服雖一字諸君亦不能到也

九僧集

詩僧本朝名世者九人有集號九僧一曰惠崇餘忘  
其名詩有云馬放降來地鵬盤戰後雲又云春生桂  
嶺外人在海門西進士許侗俊逸之士會諸僧分題  
約曰不得犯此一家乃山水風雲竹石花草雪霜星  
日禽鳥之類諸僧皆閣筆侗及第時人嘲曰張康渾  
裏馬許侗鬧裝妻是也

郊島詩

孟郊賈島以詩窮死孟移居云借車載家具家具少  
於車乃是都無一物耳謝炭云暖得曲身成直身非  
身備嘗不能道此句賈云髻邊雖有絲不堪織寒衣  
就令織得能有幾何又嘲饑詩云坐開西林琴凍折  
兩三絃不止忍饑而已其寒亦何可忍也

周朴詩

周朴詩旬煨季煉未及成篇已播人口有云風煖鳥  
聲碎日高花影重又云曉來山鳥鬧雨過杏花稀

梅聖俞論詩

梅聖俞曰詩家若意新語工得前人所未道者為善  
必然狀難寫之景如在目前含不盡之意見於言外  
賈島云竹籠拾山果瓦瓶擔石泉姚合云馬隨山廐  
放雞逐野禽飛等是山邑官况蕭條不如縣古槐根  
出官清馬骨高為工也若嚴維柳塘春水漫花塢夕  
陽遲則天容物態豈不在目前乎溫庭筠雞聲茅店  
月人跡板橋霜賈島恠禽啼曠野落日恐行人則道



路辛苦羈愁旅思豈不見於言外乎

渴睡漢狀元及第

呂文穆薄遊一縣胡旦隨父宰邑客有譽呂舉其詩  
云挑盡寒燈夢不成胡笑曰乃是一渴睡漢耳俗語  
轉為噉呂明年中甲科寄聲胡曰渴睡漢狀元及第  
矣胡答曰待我明年第二人及第輸君一籌耳次榜  
果中首選

贈漁父詩

有贈漁父詩云眼前不見市朝事耳畔惟聞風雨聲  
說者云患肝腎風盡日覓不得有時還自來本謂好  
句難得者云此是人家失却猫兒

滕王蛺蝶圖

王建宮詞百首多言唐禁中事皆史傳小說所不載  
者如內中數日無呼喚搨得滕王蛺蝶圖滕王元嬰  
高祖子名畫錄畧言其善畫

詩句語病

詩人貪求好句理有不通亦語病也如袖中諫草朝天去頭上官花侍宴歸進諫章疏無直用稿草之理姑蘇城外寒山寺半夜鐘聲到客船其如三更不是撞鐘時賈島哭僧云寫留行道影焚却坐禪身時謂燒殺活和尚也若步隨青山影坐學白塔骨又獨行潭底影數息樹邊身何精粗之異也

謝伯初詩

閩人謝景伯初天聖間以詩知名予謫夷陵見寄長

韻有云長官衫色江波綠學士文章蜀錦張異域化  
為儒雅谷遠民爭識校儲郎下國難留金馬客新詩  
傳與竹枝娘又詩云自種黃花添野景旋移高竹聽  
秋聲園林換葉梅初熟池沼無人燕學飛

芙蓉城主

石曼卿死後人有恍惚見之者云我命為仙主芙蓉  
城騎青驪去如飛後有降於一舉子家留詩云鶯聲  
不逐春光老花影長隨日腳長

聽風聽水

王建霓裳詞弟子歌中留一色聽風聽水作霓裳今  
世間有望瀛獻仙音二曲此其遺聲也不知聽風聽  
水為何事

趙師民詩

趙師民龍圖詩云麥秋晨氣潤槐夏午陰涼

論韓退之詩

韓退之筆力無施不可嘗以詩為文章末事故曰多

情怯酒客餘事作詩人予獨愛其用韻韻寬則波瀾  
橫溢泛入旁韻不拘常格如此日足可惜之類韻窄  
則因難見巧愈險愈奇如病中贈張十八之類譬善  
馭者通衢廣陌縱橫馳逐惟意所之至于水曲蟻封  
疾徐中節而不蹉跌梅聖俞論韓詩云退之為人本  
強若寬韻可自足而輒旁出窄韻難獨用而反不出  
豈非拘強而然歟

溫公詩話

朝堂厚朴湯

詩話尚有遺者歐陽文忠公文章名聲雖不可及然  
記事一也故敢續之文德殿常朝之所宰相奏事畢  
乃來押班常至日旰守朝堂卒好以厚朴湯飲朝士  
有戲為詩曰立殘庭下梧桐影吃盡街頭厚朴湯

惠崇詩

惠崇詩有劍靜龍歸匣旗閒虎遶竿其尤自負者河  
分岡勢斷春入燒痕青或云其犯古曰河分岡勢司

空曙春入燒痕劉長卿不道師兄多犯古古人詩句  
犯師兄潘闌嘗譴之曰爾當憂獄事吾夢爾拜我豈  
當歸俗耶崇曰惠崇拜沙門倒也秀才得無詣沙門  
島耶

律聽軍聲詩

滕元發甫御試律聽軍聲詩云萬國休兵外群生奏  
凱中

鮑孤鴈



鮑常為河南府法曹嘗忤知府薛映常獻孤鴈詩云  
天寒稻梁少萬里孤難進不惜充君庖為帶邊庭信  
薛大嗟賞時號鮑孤鴈

魏野詩

魏野少未知名題湖上寺詩云數聲離岸櫓幾點別  
州山有文士見之大驚贈詩曰怪得名稱野由來性  
不群借冠來謁我倒履起迎君由是人始重之有贈  
先公詩云文雖如貌古道不似家貧

蹴踘詩

丁晉公少好蹴踘作詩云鷹鷂騰雙眼龍蛇遠四肢  
躡來行數步蹀後立多時

陳丈惠詩

陳丈惠公詩云平波渺渺烟蒼蒼菰蒲纔熟楊柳黃  
扁舟繫岸不忍去秋風斜日鱸魚香又云雨網蛛絲  
斷風枝鳥夢搖

章憲太后挽詞

章憲太后上仙石曼卿進挽歌曰震出坤柔變乾成  
太極虛

石曼卿對

李長吉歌云天若有情天亦老石曼卿對月如無恨  
月長圓

劉槩詩

劉槩有氣節作詩云昔年曾作瀟湘客憔悴東秦歸  
未得西窓或見好溪山如何尚有楚卿憶讀書悞人

四十年有時自把闌干拍

韓魏公詩

熙寧初魏公罷相守北門新進多凌侮之公作詩云  
花去曉叢蜂蝶亂雨勻春圃桔槔閒稱其微婉

宦者王紳宮詞

元豐初宦者王紳效王建宮詞有曰太皇生日儼尊  
榮獻壽宮中未五更天子捧觴仍再拜寶慈侍立到  
天明

賞花釣魚

先朝春月多召兩府兩制三館於後苑賞花釣魚自  
趙元昊背叛西陲用兵廢缺甚久嘉祐末復修故事  
羣臣和御製詩韓魏公云輕雲閣雨迎天仗寒色留  
春入壽盃二十年前曾侍宴台司今日喜重陪內侍  
任守中曰韓琦詩譏陛下仁宗愕然守中曰譏陛下  
遊宴太頻

藥名詩

陳亞郎中為藥名詩百首上元夜云但看車前牛領  
上十家皮沒五家皮

蓑衣七夕二首詩

楊朴善為詩不仕太宗召見面賦蓑衣詩云狂脫酒  
家春醉後亂堆漁舍晚晴時七夕詩云年年乞與人  
間巧不道人間巧已多

堠子詩

劉子儀與夏英公同在翰林英公為副樞意頗不平

作堠子詩云空呈厚貌臨官道大有人從捷徑過

邇英講藝詩

進士丁偃試邇英殿講藝詩云白虎前芳掩金華舊  
事輕無心非不寤垂意在蒼生

鄭工部詩

鄭工部詩有杜曲花光釀似酒灞陵春色老于人誠  
難得之句

戲殺

梅聖俞卒宋子才選曰比見聖俞面光澤特出意謂  
充盛不知乃不祥也時韓欽聖宗彥面亦光澤沈文  
通指曰次至欽聖矣衆皆尤其暴譴不數日欽聖果  
卒予謂文通曰君雖不為呪咀亦戲殺耳

劉貢父詩話

嚴杜二詩

梅聖俞愛嚴維詩柳塘春水慢花塢夕陽遲善則善  
矣細細較之夕陽遲則繁花春水慢不繁也如老杜



深山催短景喬木易高風此乃無瑕類

王元之謝表

王元之謫黃州詩云又為太守黃州去依舊郎官白  
髮生謝上表云諸縣豐登苦無公事一家飽煖全荷  
君恩元之在朝與宰相不相能作江豚詩刺其肥大  
云食啖魚鰕頗肥脂又云江雲漠漠天雨來天意為  
霖不干汝俗云江豚出能致風雨也

不啣溜鈍漢

詩以意義為主文詞次之意深意高雖文詞平易自是奇作盧仝詩有云不啻溜鈍漢非其篇前後意義自可掩口矣

潘閬詩

潘閬歸錢塘詩云久客見華髮孤棹桐廬歸新月無  
朗照落日有餘輝漁浦風水急龍山烟火微時聞沙  
上鴈一一背人飛此詩不減劉長卿

四十餘年老健兒

王益柔勝之年少頡頏無所卑下張揆叔文年長每  
群聚輒居上坐舊傳徐州節度使王智興詩云四十  
餘年老健兒勝之密就叔文坐後屏風題此句

吾宗天下著

李詢公素嘗有詩贈同姓曰吾宗天下著王勝之注  
曰居甘泉以謳著賣藥以木牛著圍棋以愁著裁幘  
頭以拗著作詩以豁達著此數人皆京師人名娼李  
氏住甘泉善歌李木牛賣藥李愁子圍碁國手無敵

而精神昏濁

黃覺贈梅昌言詩

梅昌言言出鎮并州黃覺贈詩曰出去暫開貔虎幕歸來須占鳳凰池髮間未有一莖白陶鑄蒼生固不遲  
遇呂洞賓

黃覺旅舍見一道士共飲舉杯撫水寫呂字覺始悟其為洞賓也出懷中七大錢三小錢曰數不可益也與藥可數寸許歲旦以酒磨服可一歲無疾覺如其言

至七十餘藥亦垂盡作詩曰床頭歷日無多子屈指  
明年七十三果以是年終

諸館職擢擢至此

李商隱錦瑟詩人莫曉其意或云是令狐楚家青衣  
名楊大年錢文僖晏文獻劉子儀為詩皆宗義山號  
西崑體後進多竊取義山詩句御宴優人有為義山  
者衣服敗敝告人曰吾近為諸館職擢擢至此子儀  
畫義山像寫其詩列左右貴重之如此

次韻用韻依韻

唐人賡和詩有次韻用韻依韻其次韻同在一韻中  
耳用韻用彼之韻不必次之韓吏部和皇甫陸渾山  
火是也今人多不曉劉長卿餘干旅舍搖落暮天迥  
丹楓霜葉稀孤城向水閉獨鳥背人飛渡口月初上  
鄰家漁夜歸鄉心正欲絕何處搗征衣張籍宿江上  
楚驛南渡口夜深來客稀月明見潮上江靜覺鷗飛  
旅舍今已遠此行殊未歸離家久無信又聽搗征衣

兩詩似次韻皆奇作也

唐詩量力名家

管子云事無終始無務多業言學者貴能成就也唐人為詩皆量已力精思數十年各自名家今人未或少得高視前人杜詩云更覺良工心獨苦豈獨畫手也

瑞葉

海陵人王綸女為鬼所憑自稱仙人為字數十品名

號形製不相犯諸仙所用有雪詩云何事月娥欺不  
在亂飄瑞葉落人間云天上有瑞木開花六出也謂  
綸為清非孺子不曉其義贈詩曰君為秋桐我為春  
風春風會使秋桐變秋桐不識春風面題金山云潮  
頭風滾雪山脚石蟠虬

西山詩

洪州西山客多留詩有僧告郡守曰詩盡不佳何不  
除去守愕然曰僧作佳乎吟曰洪州太白方積翠傍



穹蒼萬古遮新月半江無夕陽

福州詩僧

福州山僧詩多佳句如雲收千嶂雨潮展半江天詩因試客分題僻基為饒人下着低

老欲依僧急則抱佛

王丞相好嘲謔嘗曰老欲依僧客對曰急則抱佛耳丞相曰投老欲依僧是古詩客曰急則抱佛脚亦是俗諺云金句然上去頭下去脚豈不的對

楊諤詩

蜀人楊諤受釐宣室詩云願前明主席一問洛陽人  
題驪山云行人問宮殿耕者得珠璣

花蓋夫人詩

孟蜀時花蓋夫人詩大約似王建宮詞有云厨舫進  
食索嘗新列坐無非侍從臣日午殿頭宣索膾隔花  
催喚打漁人又云月頭支給買花錢滿殿宮娥近數  
千遇著喚名多不語含羞走過御床前

野鷹何有征徭

山東經學多不省文章嘗一縣兩經生同官忽舉鄭  
谷詩云任是深山更深處也應無計避征徭其一人  
嘆曰此詩誤矣野鷹何嘗有征徭乎解曰古人所為  
寧有失也是年必當科取毛翎耳

赤松贈張良詩

楊安國為翰林學士以老欲求外官告人曰赤松子  
贈張良詩曰不如閒早歸山去免事君王不到頭吾

猶是矣

五方語音

司馬君實論九旗之名旗與旂相近緩急何以區別  
小雅庭燎向晨言觀其旂左傳龍尾伏辰取號之旂  
然尉旂當為芹音爾關中人言清濁之清則不改晴  
字丹青之青則為萋音又以中為烝虫為塵不知旂  
本為芹音因人語轉如青之言萋也五方語若是多  
閩人以高為歌荆楚人以南為難以荆為斤文士作

歌詩亦多不悟者

藥名詩

陳亞藥名詩咏白髮云若是道人頭早白老君當日  
合烏頭基為腸寒呵子下衣因春瘦縮紗裁

承霧狼對迎霜兔

石少傳中立有通刺承務郎石喜曰求此對三十年  
今得之迎霜兔可以對承霧狼有上官必勸石慎言  
語石怒曰君上官必也奈下官口何

下官之稱

晉魏以前有國者皆臣吏民宋孝武惡諸侯之強稍貶奪其禮令稱下官下官之稱亦不輕矣今人乃以代名

字偏旁令

有以進士為舉首者其黨人意侮之因其人出令以字偏旁為率曰金銀釵釧鋪次一人曰絲綿紬絹網黨人曰鬼魅魍魎魑俗有謎語曰急打急圓慢打慢

圓分為四段送夜窻前初似陶瓦乃謂令耳

互郎

今有人謂駟驢為牙本謂之互郎主互市事也唐人書互作牙以互似牙因轉為牙今人謂萬為万謂千為撇但數目可按故能存本字不然亦若互牙耳

佚老亭

陳丈惠公使相致仕年近八十有詩云青春岐路遊將徧白髮光陰得窳多作佚老亭自後士大夫歸老

者往往名亭佚老云文惠善遺墨書自目云前無古人後無來者

末厥兵

歐公記陶尚書詩云尖簷帽子卑凡廝短鞦鞢兒末厥兵不曉其義予謂今呼禿尾狗為厥尾衣之短後者亦曰厥此兵正用其末賤耳但今人不以末厥連之不然亦可對卑凡字

何樓



世人語虛偽者為何樓國初京師有何樓其下所賣物皆濫者故人以此目之今樓已廢語猶相傳

西都詩

宋次道嘗為西都詩以野狐落對五鳳樓言野狐落唐宮名宮人所聚

名似姓詩

太宗時進士同年有數人名似姓者或取為詩云郭鄭鄭東東野絳馬張張夏夏侯璘熙寧初士人有崔

度崔公度王韶王子韶皆的對也又有張君陳陳君  
張唐人東方虬欲對西門豹當有好事者為對

說黃巢事

有道人說黃巢事因曰黃六晚節至此張安道云黃  
巢兄弟六人巢最處少且云黃六猶可以誑人詭偽  
多端如此

殺祭社猪

張端為河南司錄府當祭社買猪已呈尹猪突入端

家端即殺之以白尹尹召問端對曰按律猪無故夜  
入人家主人登時殺之勿論尹大笑為別市猪

有酒如澠在北曰狄

劉相沆使契丹館客嘗曰有酒如澠繫行人而不佳  
未能對者劉即應曰在北曰狄吹出塞以何妨

香印

太祖登極市人以香印字逼近上名不敢斥言擊鐵  
盤默喻因傳不改


黃耳寄書

陸機使黃耳寄書自洛至吳歷江淮大河能浮水若此犬通神不容言說耳或云陸氏有奴名黃耳不知者見犬有名黃耳遂以為其狗也

孟東野詩

李習之稱孟東野詩食糞腸亦苦強歌聲不歡出門即有碍誰謂天地寬可謂知音今世傳郊集五卷文有減也集語多寒瀟疑向五卷是名士刪取東野與

退之聯句宏傳若出一手退之容有潤色也



類說卷五十六